



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 2. Num Societati expeditat sedes apud Indos ponere.

**urn:nbn:de:hbz:466:1-38528**

CAPUT  
II.  
Num Societatis expediat  
fides apud  
Indos ponere.

PARVARUM  
domorum  
incommoda.

PARVARUM  
domorum  
apud Indos  
necessitas.

**S**ED à multis disceptabatur de commodissimo modo tot Ethnicorum nationes juvandi; & præsertim num è te Societatis videretur; sedes inter Indos à Collegiis maximè semotas, ubi duo tantum trésve Socii sine recursu ad Collegia, Parochorūm more, degérēt, ponere. Qui dissuadébant, non vita pericula, non solitudinis ærumnas ac tædia, vel si quæ sunt Apostolicorum laborum imitamenta, objeçtabant; sed verebantur, ne per desuetudinem domesticæ disciplinæ, Religiosa vita solveretur. In magnis domibus unos aliis exemplo esse, ne se relaxent. Rectorum ac Syndicorum oculis castigationeque paternâ refrænari animos ad pristinam libertatem suopte pñocives: impunitate atque inobservantiâ dissolvi. Si calor ille spiritus subinde refrigericeret, per usitatos exercitiōrum receptus in Collegiis refici solere. In id invigilare rerum spiritualium Præfectos, ne negotiorum mole prægravari subditorum animos sinant. Labefactato per nimias evagationes atque immodicas rerum externarum tractationes animo, facilem esse lapsum, ubi præsertim non desunt pecandi illicia, in summa Barbarorum libertate nuditatèque, ultrò se & continuo obtrudentia. Si quid humani contingere, Societatem plus dedecoris ex paucorum lapsu, quam ex multorum rectè factis, veræ laudis percepturam. Peruanos Patres non sine Proregis offensione obtrusas ultrò, ut vocant, Indorum doctrinas, in suam curam recipere noluisse, quod earum administratio non satis cum Instituto nostro quadrarer. His si addas calumnias vexationesque, ex defensione Indorum, nostræ curæ commissorum, necessariò orituras, videri omnino consentaneum, ut Societas excursionibus ex Collegiis fieri solitis contenta, eas sedes non admittere. Contra alii prætendebant multorum annorum experimentum, addentes satis superque animorum periculis præcautumiri, si ad eas sedes imposterum mitterentur viri in virtutum palæstra diu multumque exercitati. Si pietatis te por & ad pristinæ relabentium casus timeretur, nihil prohiberi quominus ad Collegia subinde Socii retraherentur: inibi attritas animi vires refici, & novum calorem per usitata exercitia concipi posse. Cæterum longo usu constare, eos ab Superis præcipuâ curâ haberí, qui relictis patriâ, parentibus, ac cæteris mundi illecebris, voluntario exilio inter Barbaros & Antrophagos, nullâ humani commodi cupiditate, se multarent. Si quis (ut fit) caderet, non idè infamia notâ Societatem universam notatum iri: Judam in exemplo esse, lapsu suo nihil de reliquorum Apostolorum honore detrahentem. Porrò, satis compertum esse, excursiones Sociorum è Collegiis ibi utiles, ubi ordinarii animarum pastores non desunt; at apud populos Sacerdotum ope perpetuò destitutos, ferè inutiles videri: nam Barbari non ægrè Baptismum recipiunt, sed mores Christianorum nulli conservant, nisi qui continua Sacerdotum curâ ac sermonibus ad constantiam animantur. Reliqua post Baptismum Sacra menta, & verbum Dei, cibos esse animorum, quibus in Christo nati Neophyti in vita sustentantur: deme hos cibos, & in via deficient. Hac ratione motum Pium Quintum Pontificem Maximum olim congruentissimè censuisse, modum adhibendum esse evulgandis Baptismis eo loci, ubi Sacerdotes deessent, per quos baptizati in Religione continerentur. Prudenter Peruanos Patres se subtraxisse plerisque Indorum parœciis regendis, quod in Peruvia externorum Sacerdotum idoneorum copia suppeteret: at in his provinciis, aut sedes cum Indorum cura ab Societate admittendas esse, aut Barbarorum salutem ob Sacerdotum aliorum defectum pñenitius negligendam. Contra contumeliarum & litium timorem remedium videri, si sedulò consideraretur, neminem Ignavis atque desidiis obstrepere. Christianæ Religionis generosos propagatores his obnoxios fuisse, semperque futuros. Societatem adversis hæc tenus crevisse, & imposterum tantum gloriæ acquisitum, quantum obrectationum patientiâ sibi comparaverit. Cæterum Regi Catholico & Senatui Regio Societatis defensionem contra quadruplatores cordi fore, quam ipse Rex ultrò pro augenda Dei gloria obrectatorum telis objiceret. Quod ad alia pericula attinet, meminissent binos aut etiam singulos ab Ignatio fundatore nostro in diversissimas partes missos sine detimento Societatis: quæ nunquam in eam magnitudinem crevisset, si nimia scrupulofitate discrimina omnia perpendisset. Longè periculosius in Anglia, Batavia, Scotia nostros homines inter Hæreticos in veste profanâ & domibus externorum degere, & tamen ab Præ-

positis

positis Generalibus eò mitti Socios, ubi Collegia nulla, nec domus frequentes esse possunt. Divum Xaverium Orientem pènè totum pauculis Sociis, occupasse. Josephum Anchietam multas sedes, in quibus duo trésve Socii tantum morarentur, in Brasilia posuisse. Idem factitatum ab Oviedo Patriarcha in Africa. Quis tantorum virorum vestigiis pedem figere recuset? Denique Claudium Aquavivam non ignorasse harum regionum conditionem, Hispanorum urbibus magnorum Collegiorum capacibus carentium, & tamen eis iura Provinciæ concessisse, quod existimaret eam Orbis partem Societati prætermittendam minimè esse; sed per extraordinaria subtilia juvari debere. Huic parti suffragatus Didacus Torres, acerrimus earum sedium inventor, narrabat Sociorum inter Indos degentium virtutes, ob quas tantum sibi nomen præ Collegiorum incolis fecerant, ut plerique cum præcipuis Societatis nostræ Heroibus conferri possent. Igitur decretum, ut sedes inter Indos posse non tantum retinerentur; sed etiam, quantum commodè fieri posset, multiplicarentur.

**D**UM sic sub umbra decertatur, Rochus Gonsalvius, glorioso pulvere decorus, Paranensem Provinciam Christo subigere, constructione novorum oppidorum, fatigebat; quem antequam sequar, lubet Parana conditionem describere, ut loca, ubi tot Apostolici viri certaturi sunt, magis in perspicuo sint. Parana fluvius quingentas omnino leucas, ut suo loco dictum est, conficit, antequam per octoginta leucarum ostium intret in Oceanum. Non immerito Parana nomen fortitus, qui ferme ubique maris majestatem granditatemque præferat. Unde Josepho Acosta & aliis non assentior, arbitrantibus Maranionem inter Americæ flumina principatum tenere, cum ipse Acosta asserat Maranionis ostium triginta tantum leucis patere. Ceterum Parana vi occulta, non secus ac Silaris fluvius, ligna in lapides vertit: unde quandoque videre est lignorum frusta, qua parte aquâ merguntur, lapidescere: columnam lapideam ex hujusmodi metamorphosi aut naturæ ludicro Ferdinandus Arias Prætor in atrio suo erexerat. Præterea ingentes ubique piscium figuræ alit. Ruisus bove maiores versus Guairaniam se vidisse narrat. Sapè videre est lupos marinorum turmatim natantes, capita ad humânos sibilos quasi ex condicio erigentes, & mox ludibundè submergentes. Capibara, amphibium animal, porco non assimile, frequentè à præternavigantibus cum voluptate occiditur. Avium & feraum in utroque littore, sive sylvis vestito, sive in campos aperto, magna vis cernitur: perdicum ubique & psittacorum circumvolant greges; sed horum species peregrina prorsus est, qui triplo Asiaticis maiores, varietatem plumarum adeo spectabilem ostentant, ut eos olim indigenæ ob pulchritudinem pro Diis colerent: hi tamen Psittaci, formandis humanis vocibus inepti, sola variegatione sunt commendabiles. Ursorum ea species notabilis est, quam formicarios ab ordinario formicarum esu appellant: caput habent oblongum; rostrum verò porci ore duplo longius acutiusque, ex quo cuspidata lingua quasi è vagina exerentes in ipsos formicarum tumulos ingerunt, identidemque cum' ingenti formicarum lingua adhærentium præda retrahunt. Formicæ auricularis digitæ summitate grandiores ab indigenis & Hispanis igne tostæ, inter ciborum delicias reputantur. Nulla olim magna oppida ad Paranam visabantur: pagatim vicatimque degebatur. Utrumque littus, quæ longè patet, variæ nationes habitant, tam moribus (si Guaranos excipias) & feritate conformes, quam linguarum diversitate notabiles: inter quos memorabiles mihi videntur hi, qui nescio quo terræ genere igne maceratae, pisciumque pinguedine intinctæ, vicitant: ut nihil mireris, si de Coelo parum cogitent, quibus terra tantum sapit. Partem Paranæ Oceano obversam, per ducentarum ab ostio leucarum spatiū, flumen Argenteum Hispani vocavere, variantibus appellationis causis: nam uni sic appellatum volunt à Gavoti argento (uti suo loco notavi) alii verò, quod primi coloni è navibus indigenas in ripis conficerint albis conchiliis, argenti splendorem ex longinquo referentibus, induitos. Nec defuit, qui sic vocari vellent, quod lacus & flumina, ad quorum ripas in Charquensis Peruvia regione versatilibus machinis expurgatur argentum, in Paranam longo post tractu cum scoriis argenti in-

CAPUT  
III.  
Paranensis  
Provinciæ  
descriptio.

Parana ma-  
gnitudo.

Parana ligna  
in lapides  
vertit.

Psittaci pro  
Diis culti.

Ursi formi-  
carum.

Argentei  
fluminis no-  
minis origo.

